



## Gold & Ruem, Gschängg fir d Eewigkait vom Heinrich II und dr Kunigunde.

S Virus het is alline d Faasnacht verdoorbe,  
de Aktive isch s Sujet graad drei Mool gstoorbe!  
Und as wär s almool nit gnue verschysse  
meerfach het s die drei scheenschte Dääg verrisse!

Vor eme Joor gits efange wider Fasnacht, aaber nur fir Aktivi,  
doch ooni Wäägeler und Chaise, sin das nundefaane Passivi?  
E Cortège gits gopferglemmi au kaine,  
so bilibe mer almool mee druurig dehalme.

Mer losse d Larve und Gostym aaber nit vergilbe,  
zaige am Cortège s Sujet, daasch ämmel bilibe.  
S Minschter het jetz Dausig und drei Joor uff em Buggel,  
s isch allewyl e scheens Bauwäärgg ooobe uff em Huubel.

Corona het em, trotz Garandääne, nyt kenne aadue,  
mäng Syychi isch duurekoo, me kaa nie uusue.  
Männgerlati Stirm sin ibers Minschter zooge,  
hän diefi Spyrri hinterloo, s isch nit glooge.

Um e Hoor wär Basel vom e Kaiser-Oorde,  
zer Hauptstadt vom e Wältrych woorde.  
Lut Bapyyr e tschingge-schwoobe Kaisereebaar,  
dr Heinrich II mit sinere Kunigunde isch jo glaar!

S Kaiserbaar, kinderlos, gläubig, hailig, exelant,  
het uf em verheite Hailto-Minschter Fundemänt,  
e nele Doom baue losse und Basel iberloo,  
mit goldenem Gryz und Altaardaafefe drmo.

Vom Bischof gweilt und gsäägnet fyrrlig,  
mit koschber Gaabe, daasch schriftlig.  
S Kaiserbaar het gstiftet Gold und Ruem,  
erhoobe zem Kaiserdoom as Halligduem!

Baldi sin as Stadtdroon vo Basel  
vereert gsi, und das nit nur vom Adel.  
In irer Abwäseheit isch s basiert,  
dr Bischof het as Stadther regiert.

E stolze Doom muess 5 Dürm bikoo,  
doch so wit isch s denn lang nit koo.  
E grosses Fyrr het d Ereffnig vergroote,  
villi Joore sin vergange, bis s isch groote.

D Habsburger hän au Spuure hinterloo,  
dien im Minschter keeniglig Woppe hänge loo,  
hän Basel belageret und dommyniert,  
d Finde us em Oschte sin nie aaggsediert.

Aaber s git vo dääne e Familiegruft,  
dieff unde im Minschter, ganz ooni Luft.  
In däm Graab lügt Stammamme verstegett,  
Anna Gertrud und iir Soon Karl sin verreggt.

No dääre keeniglig-imperiale Vergangehait,  
het s im Herbscht anno 1356 gää grooss Laid.  
ganz wiescht het s grittled und gschittled,  
die 5 Gloggedüürm sin drmo verschittled.

Im 15. Jorhundert findet s Basler Konzil statt,  
e Geegeboopscht wird gwäält, so ganz matt.  
Reformazion het drmo s Minschter erfasst,  
Gold und Ruem sin drum uffsmool verblasst.

S Gliggsraad us altem Aicheholz,  
wird mit Sandstai ersetzt, dr ganz Stolz.  
Nei bestuene ka me in dr Krypta,  
die langi Baugschicht, ganz subtil.

Gallusporte stoot no immer im Oorginaal,  
si git im Minschter e stolze Aabligg fadaal.  
As Bsunderhait kasch im Minschter gsee,  
e dopplede Gryzgang und no vyyt mee.

Faabelwäase und Figure ziere d Fassade,  
luege uf Pfalz und Minschterblatz wien e Brigaade,  
gseesch divärsi Hailigi und Abostelminiature,  
au s Kaiserbaar kasch uusmache as Figure.

D Boscht duet sich au nit lumpe loo,  
het Wärtbapyyri druggt ka drnoo,  
e Jubelmaargge vom e Kinschter  
mit em Heiri, sym und hittigem Minschter.

Hitzedaags isch s Minschter e Basler Woorzaiche,  
und au Blatz und Pfalz gheere zem Margezaiche.  
Umgää vo alte Herrehüser, ganz brächdige,  
bewoont gsi vom Bischof und de Obrige.

Nach dr Syychi kasch rund um s Minschter wider vyyt erlääbe,  
Mäss und Wienachtmärt dien dr Blatz belääbe,  
s Marionettetheater isch deert vorzue bresänt,  
und au s Freiluft Kino as maagische Momänt.

Wotsch dr Bund firs Lääbe schliesse,  
ooder bloos e Aadacht go gniesse,  
kasch au loose e doll Oorgelkonzärt,  
s Minschter isch ämmel e Sujet wärt.

D Faasnacht nimmt dr Minschterblatz wider in Bschlaag,  
d Lampeusstellig fasziniert e huffe Lyt an aim Daag.  
Em Ändstraich wärde as Lampe verbrennt,  
um an doodi Frinde z dängge, die me kennt.

Faasnacht 2023, Chaise Wundergiggli  
[wundergiggli@bluewin.ch](mailto:wundergiggli@bluewin.ch)  
<http://wundergiggli.limdofree.com>  
<http://tinyurl.com/q43nawz>  
[https://www.facebook.com/Wundergiggli/photos\\_stream?tab=photos\\_albums](https://www.facebook.com/Wundergiggli/photos_stream?tab=photos_albums)  
Druck: Thoma AG, Base



## Gold & Ruem, Gschängg fir d Eewigkait vom Heinrich II und dr Kunigunde.

S Virus het is aline d Faasnacht verdoorbe,  
de Aktive isch s Sujet graad drei Mool gstoorbe!  
Und as wär s almool nit gnue verschysse  
meerfach het s die drei scheenschte Dääg verrisse!

Vor eme Joor gits efange wider Fasnacht, aaber nur fir Aktivi,  
doch ooni Wäägeler und Chaise, sin das nundefaane Passivi?  
E Cortège gits gopferglemmi au kaine,  
so bilibe mer almool mee druurig dehalme.

Mer losse d Larve und Gostym aaber nit vergilbe,  
zaige am Cortège s Sujet, daasch ämmel bilibe.  
S Minschter het jetz Dausig und drei Joor uff em Buggel,  
s isch allewyl e scheens Bauwäärgg ooobe uff em Huubel.

Corona het em, trotz Garandääne, nyt kenne aadue,  
mäng Syychi isch duurekoo, me kaa nie uusue.  
Männgerlati Stirm sin ibers Minschter zooge,  
hän diefi Spyrri hinterloo, s isch nit glooge.

Um e Hoor wär Basel vom e Kaiser-Oorde,  
zer Hauptstadt vom e Wältrych woorde.  
Lut Bapyyr e tschingge-schwoobe Kaisereebaar,  
dr Heinrich II mit sinere Kunigunde isch jo glaar!

S Kaiserbaar, kinderlos, gläubig, hailig, exelant,  
het uf em verheite Hailto-Minschter Fundemänt,  
e nele Doom baue losse und Basel iberloo,  
mit goldenem Gryz und Altaardaafefe drmo.

Vom Bischof gweilt und gsäägnet fyrrlig,  
mit koschber Gaabe, daasch schriftlig.  
S Kaiserbaar het gstiftet Gold und Ruem,  
erhoobe zem Kaiserdoom as Halligduem!

Baldi sin as Stadtdroon vo Basel  
vereert gsi, und das nit nur vom Adel.  
In irer Abwäseheit isch s basiert,  
dr Bischof het as Stadther regiert.

E stolze Doom muess 5 Dürm bikoo,  
doch so wit isch s denn lang nit koo.  
E grosses Fyrr het d Ereffnig vergroote,  
villi Joore sin vergange, bis s isch groote.

D Habsburger hän au Spuure hinterloo,  
dien im Minschter keeniglig Woppe hänge loo,  
hän Basel belageret und dommyniert,  
d Finde us em Oschte sin nie aaggsediert.

Aaber s git vo dääne e Familiegruft,  
dieff unde im Minschter, ganz ooni Luft.  
In däm Graab lügt Stammamme verstegett,  
Anna Gertrud und iir Soon Karl sin verreggt.

No dääre keeniglig-imperiale Vergangehait,  
het s im Herbscht anno 1356 gää grooss Laid.  
ganz wiescht het s grittled und gschittled,  
die 5 Gloggedüürm sin drmo verschittled.

Im 15. Jorhundert findet s Basler Konzil statt,  
e Geegeboopscht wird gwäält, so ganz matt.  
Reformazion het drmo s Minschter erfasst,  
Gold und Ruem sin drum uffsmool verblasst.

S Gliggsraad us altem Aicheholz,  
wird mit Sandstai ersetzt, dr ganz Stolz.  
Nei bestuene ka me in dr Krypta,  
die langi Baugschicht, ganz subtil.

Gallusporte stoot no immer im Oorginaal,  
si git im Minschter e stolze Aabligg fadaal.  
As Bsunderhait kasch im Minschter gsee,  
e dopplede Gryzgang und no vyyt mee.

Faabelwäase und Figure ziere d Fassade,  
luege uf Pfalz und Minschterblatz wien e Brigaade,  
gseesch divärsi Hailigi und Abostelminiature,  
au s Kaiserbaar kasch uusmache as Figure.

D Boscht duet sich au nit lumpe loo,  
het Wärtbapyyri druggt ka drnoo,  
e Jubelmaargge vom e Kinschter  
mit em Heiri, sym und hittigem Minschter.

Hitzedaags isch s Minschter e Basler Woorzaiche,  
und au Blatz und Pfalz gheere zem Margezaiche.  
Umgää vo alte Herrehüser, ganz brächdige,  
bewoont gsi vom Bischof und de Obrige.

Nach dr Syychi kasch rund um s Minschter wider vyyt erlääbe,  
Mäss und Wienachtmärt dien dr Blatz belääbe,  
s Marionettetheater isch deert vorzue bresänt,  
und au s Freiluft Kino as maagische Momänt.

Wotsch dr Bund firs Lääbe schliesse,  
ooder bloos e Aadacht go gniesse,  
kasch au loose e doll Oorgelkonzärt,  
s Minschter isch ämmel e Sujet wärt.

D Faasnacht nimmt dr Minschterblatz wider in Bschlaag,  
d Lampeusstellig fasziniert e huffe Lyt an aim Daag.  
Em Ändstraich wärde as Lampe verbrennt,  
um an doodi Frinde z dängge, die me kennt.

Faasnacht 2023, Chaise Wundergiggli  
[wundergiggli@bluewin.ch](mailto:wundergiggli@bluewin.ch)  
<http://wundergiggli.limdofree.com>  
<http://tinyurl.com/q43nawz>  
[https://www.facebook.com/Wundergiggli/photos\\_stream?tab=photos\\_albums](https://www.facebook.com/Wundergiggli/photos_stream?tab=photos_albums)  
Druck: Thoma AG, Base